

Tehillim 105 - An early version of MAGID
thanking Hashem for Brit Bein ha'Btarim

תהילים פרק קה

❖ א הודו ליהוה, קראו בשמו;

ו הודיעו בעמים, עלילותיו.

❖ ב שירו-לו, זמרו-לו; שיחו, בכל-נפלאותיו.

❖ ג התהלכו, בשם קדשו; ישמח, לב מבקשי יהוה.

❖ ד דרשו יהוה ועזו; בקשו פניו תמיד.

❖ ה זכרו--נפלאותיו אשר-עשה; מפתיו, ומשפטי-פיו.

ו זרע, אברהם עבדו: בני יעקב בחיכיו.

ז הוא, יהוה אלהינו; בכל-הארץ, משפטיו.

ח זכר לעולם בריתו; דבר צוה, לאלף דור.

ט אשר כרת, את-אברהם; ושבועתו לישחק.

י ויעמידה ליעקב לח'ק; לישראל, ברית עולם.

יא לאמר-לך, אתן את-ארץ-כנען:

חבל, נחלתכם.

יב בהיותם, מתי מספר; כמעט, וגרים בה.

❖ ויתהלכו, מגוי אל-גוי; מממלכה, אל-

עם אחר. יד לא-הניח אדם לעשקם;

ויוכח עליהם מלכים. טו אל-תגעו

במשיחי; ולנביאי, אל-תרעו.

❖ טז ויקרא רעב, על-הארץ; כל-מטה-

לחם שבר. יז שלח לפניהם איש;

לעבד, נמכר יוסף. יח ענו בכבל רגליו

(רגלו); ברזל, באה נפשו. יט עד-עת

בא-דברו-- אמרת יהוה צרפתהו.

❖ כ שלח מלך, ויתירהו; משל עמים,

ויפתחהו. כא שמו אדון לביתו; ומשל,

בכל-קנינו. כב לאסר שריו בנפשו;

וזקניו יחכם.

❖

❖ כג ויבא ישראל מצרים; ויעקב, גר

בארץ-חם. כד ויפר את-עמו מאד;

ויעצמהו, מצריו.

❖ כה הפך לבם, לשנא עמו; להתנפל,

בעבדיו.

❖ כו שלח, משה עבדו; אהרן, אשר בחר-

בו. כז שמו-בם, דברי אתותיו;

ומפתים, בארץ חם.

❖

כח שלח חשך ויחשך; ולא-מרו את-דברו

כט הפך את-מימיהם לדם; וימת, את-

דגתם.

ל שרץ ארצם צפרדעים; בחדרי,

מלכיהם.

לא אמר, ויבא ערב; פנים, בכל-גבולם.

לב נתן גשמיהם ברד; אש להבות בארצם.

לג ויך גפנם, ויתאנתם; וישבר, עץ גבולם.

לד אמר, ויבא ארבה; וילק, ואין מספר.

לה ויאכל כל-עשב בארצם; ויאכל, פרי

אדמתם.

לו ויך כל-בכור בארצם;

- ראשית, לכל-אונם.

❖

❖ לז ויוציאם, בכסף וזהב; ואין בשבטיו

כזשל. לח שמח מצרים בצאתם: כי-

נפל פחדם עליהם.

❖ לט פרש ענו למסד; ואש, להאיר לילה.

מ שאל, ויבא שלו; ולחם שמים,

ישביעם. מא פתח צור, ויזובו מים;

הלכו, בציות נהר.

מב כי-זכר, את-דבר קדשו;

- את-אברהם עבדו.

מג ויוצא עמו בששון; ברנה, את-בחיכיו.

מד ויתן להם, ארצות גוים; ועמל לאמים

יירשו.

מה בעבור, ישמרו חקיו-- ותורתיו

ינצרו; הללו-יה.

